



TSEBISO HO KHOEBO EA MATLOLE A 'LIPENCHENE' LE SECHABA SA LESOTHO KA KAKARETSO

Banka e Kholo ea Lesotho (Central Bank of Lesotho), joalo ka Molaoli oa matlole a lipenchene Lesotho, e tsebisa bohle batsamaisi ba matlole a lipenchene, ekasitana le barekisi le baeletsi litabeng tsa lipenchenehammoho le sechaba ka kakaretso hore Molao oa Lipenchene, oa selemo sa 2019 (Pensions Act, 2019) le melaoana (Pension Funds Regulations) li phatlalalitsoe ka molao, ka sepheo sa ho laola le ho lisa mafapha a latelang:

- a) Mefuta eohle ea matlole a lipenchene a tlasa bolisa ba Banka e Kholo ea Lesotho;
- b) Batsamaisi ba matlole a lipenchene; le
- c) Barekisi/baeletsi litabeng tsa lipenchene.

Matlole ohle a lipenchene, batsamaisi ba matlole a lipenchene, barekisi le baeletsi litabeng tsa lipenchene, ba neng ba se ba qalile le ho tsoela pele ka ts'ebetso pele ho phatlalatso ea Molao oa Lipenchene oa selemo sa 2019, ba lokela ho itlaleha Bankeng e Kholo ea Lesotho ho etsa kopo ea ngoliso (registration) le kopo ea lengolo la tumello ea ts'ebetso (license) ea likhoebo tsa bona, ho latela molao oa Lipenchene oa selemo sa 2019. Matlole a lipenchene, batsamaisi ba matlole a lipenchene, barekisi le baeletsi litabeng tsa lipenchene, ba hlokomelisoa hore ba lokela ho tsoelepele ho ikobela molao ha ba ntse ba fetola ts'ebetso ea bona ho e amahanya le molao oona oa lipenchene.

Banka e Kholo ea Lesotho e khothaletsa sechaba sa Basotho, ho emisa ho etsa khoebo le matlole a lipenchene, batsamaisi ba matlole a lipenchene, barekisi le baeletsi ba sa ngolisoang kapa ho fuoa lengolo la tumello ea ts'ebetso ke Banka e Kholo ea Lesotho. Se na ke molemong oa ho qoba tahlehelo ea lichelete eo ha e ka ea hlaha ba tla sitoa ho fumana thuso hotsoa ho Banka e Kholo ea Lesotho.

Bakeng sa tlhaiso-leseling e batsi le lithlakisetso, mafapha a na a nkang karolo khoebong ea lipenchene le sechaba sa Basotho ba ka ikopanya le Banka e Kholo ka Lefapha la Bahlahlobi nomorong ea

22232039/22232115.

